



Broj: T18 0 KT 0017695 24
Brčko: 28.08.2024. godine

OSNOVNOM SUDU
BRČKO DISTRIKTA BIH

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

R. B. (...)

Što je:

Dana 27.04.2024. godine oko 13,30 časova u naseljenom mjestu Grbavica, Brčko distrikt BiH, pod povoljnim meteorološkim uslovima, uslovima vidljivosti i stanja kolovoza, upravljao putničkim motornim vozilom marke „Ford- Fiesta „ reg. oznake ... vlasništvo D. B, te se kretao lokalnim putem iz pravca Brčanske zaobilaznice u pravcu Brčkog pa dolaskom do kuće V. S, i pored postojanja svih tehničkih mogućnosti, sa dometom preglednosti većim od 200 metara u smjeru Brčkog, nije adekvatno i potpuno provjerio saobraćajnu situaciju ispred sebe, pa olako držeći da neće prouzrokovati saobraćajnu nezgodu, propustio dužnom pažnjom utvrditi da mu nisu ispunjeni uslovi za bezbjedno skretanje ulijevo u smjeru pristupnog puta koji vodi prema navedenoj kući, koju radnju skretanja je i poduzeo što je suprotno odredbi člana 36. stav 1. Zakona o bezbjednosti saobraćaja na putevima u Bosni i Hercegovini, preduzimajući tu radnju u trenutku kada mu je iz suprotnog smjera u susret dolazio motocikl marke „Ducati“ reg. oznaka ...,kojim je upravljao P. M.a kao suvozač na motociklu sjedila S. B, te ovakvom svojom radnjom postupio suprotno odredbi člana 49. stav 2. Zakona o bezbjednosti saobraćaja na putevima u Bosni i Hercegovini , nepoštujući svoju dužnost kao vozača da kada vrši skretanje ulijevo propusti sva vozila koja dolazi iz suprotnog smjera i zadržavaju pravac svog kretanja, pa usljed navedenih propusta iako je imao sve tehničke preduvjete da naknadni pravilnim postupcima čak omogući motociklu da prođe kroz koloziono područje između njih, time ušao u koridor tog motocikla u momentu kada je odstojanje između prednjih dijelova motocikla i vozila iznosilo 29,00 metara , pa je došlo do udara prednjeg frontalnog dijela motocikla u predio prednje polovine desnih vrata vozila „Ford-Fiesta“, nakon kojeg primarnog kontakta vozilo Ford je otklonjeno ulijevo, a istovremeno je došlo do odvajanja tijela od motocikla P. i S. te njihovog pada na kolovoz sa lijeve strane vozila „Ford-Fiesta“, usljed čega je kod B. S. prouzrokovao teške tjelesne povrede u vidu preloma baze lubanje, subarahnoidalno krvarenje, prisutnost zraka unutar kranijalne šupljine, te prisutnost zraka u grudnoj šupljini između dva plućna krila sa abnormalnom kolekcijom zraka u pleuralnom prostoru između pluća i zida grudnog koša, zbog čega je hitno prebačena na UKC Tuzla, a kod P. M. lake tjelesne povrede u vidu luksacije prvog prsta desne šake i nagnječenje regije slabinsko-krstačne kičme

dakle, kao učesnik u saobraćaju na cestama nije se pridržavao saobraćajnih propisa i time tako iz nehata ugrozio javni saobraćaj pa je doveo u opasnost život ljudi usljed čega je kod drugog lica nastupila teška tjelesna povreda

čime je, počinio krivično djelo – Ugrožavanje javnog saobraćaja – iz člana 326. stav 3. u vezi sa stavom 1. KZ Brčko Distrikt

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
